

# Ehizari buruzko 2022-2023ko arauak

Ehiza-barrutiak



Ehiza-postuak



■ **Ehizari buruzko 2022-2023ko arauak**

166E/2022 Foru Agindua, uztailaren 19koa, Landa Garapeneko eta Ingurumeneko kontseilariak emana, 2022-2023 kanpainarako ehiza debekualdiei buruzko xedapen orokorra onesten duena.

Foru agindu honek, oro har, ehiza barrutietarako ehizaldiak finkatzen ditu; horrek, dena dela, ez du zertan eraginik izan Ehiza Antolatzeke Planetan ageri diren beste ehiza-jarduera onetsi batzuetan. Nafarroako Ehizari eta Arrantzari buruzko 17/2005 Foru Legetik eratoritzen ahal diren ehiza modalitate berriak aurreikusita egonen dira Ehiza Antolatzeke Plan onetsian, edo Landa Garapeneko eta Ingurumeneko Departamentuak espresuki baimendu beharko ditu.

■ **Ehiza-espezieak**

**Ehizari buruzko 2022-2023ko arauak**

**Hegaztiak**

- Antzara hankagorritzta (*Anser anser*)
- Basahatea (*Anas platyrhynchos*)
- Zertzeta arrunta (*Anas crecca*)
- Eper gorria (*Alectoris rufa*)
- Galeperra (*Coturnix coturnix*)
- Faisaia (*Phasianus colchicus*)
- Kopetazuri arrunta (*Fulica atra*)
- Hegabera (*Vanellus vanellus*)
- Oilagorra (*Scolopax rusticola*)
- Istingor arrunta (*Gallinago gallinago*)
- Pagausoa (*Columba palumbus*)
- Txoloma (*Columba oenas*)
- Birigarro arrunta (*Turdus philomelos*)
- Birigarro txikia (*Turdus iliacus*)
- Durdula (*Turdus pilaris*)
- Garraztarroa (*Turdus viscivorus*)
- Mika arrunta (*Pica pica*)
- Belea (*Corvus corone*)

**Ugaztunak**

- Erbia (*Lepus spp.*)
- Untxia (*Oryctolagus cuniculus*)
- Azeria (*Vulpes vulpes*)
- Basurdea (*Sus scrofa*)
- Oreina (*Cervus elaphus*)
- Adarabala (*Dama dama*)
- Orkatza (*Capreolus capreolus*)

■ **Ordutegia**

Oro har, ehizan aritzeko ordutegia eguzkia sortu baino ordu bat lehenago hasi eta sartu eta ordu batera bukatuko da. Almanakatik hartuko dira sortzearen eta sartzearen orduak.

■ **Erne, ehiztari!**

Eraztuna duen hegaztiren bat aurkitzen baduzu edo lepokoa nahiz belarritakoa duen basurdea botatzen baduzu, abisu eman lehenbailehen Basozainak - Ingurumena Zaintzeko Taldeari.

Esker mila zure laguntzarengatik.

| EHIZTARIAK HONAKO HAUEK ERAMAN<br>BEHARKO DITU ALDEAN |
|-------------------------------------------------------|
| - Nortasun agiri nazionala                            |
| - Ehiza-lizentzia, indarrean dagoena                  |
| - Arma-lizentzia eta jabetza-gida                     |
| - Ehiztariaren nahitaezko aseguria                    |
| - Ehiza-barrutian ehizatzeke baimena                  |

■ **Ehiza eta adingabeak**

Armen Araudia onartzen duen 137/1993 Errege Dekretuaren arabera, ehiztari adingabearekin batera ehiztari adinez nagusi bat eraman beharko da beti, ehizarako eta armetarako indarreko baimena duena, eta ehizan ari den bitartean ehiztari hori zaintzeko eta laguntzeko konpromisoa hartzen duela adierazten duen dokumentu idatzia eraman beharko du. Ondorio horietarako, adingabea eta arduraduna ezin dira leku desberdinetan kokatu ehizan ari diren bitartean, eta ezin dira suzko arma aldi berean erabiltzen egon, eta adingabearen armak deskargatuta egon behar du, berarekin dagoena suzko arma erabiltzen ari den bitartean.

|                                         |
|-----------------------------------------|
| Basoen eta Ehizaren Zerbitzua           |
| Ehiza gaietarako telefonoa: 848 426 259 |
| caza@navarra.es                         |

Ehiza-lizentzia berritzeko:

- [licenciascaza@navarra.es](mailto:licenciascaza@navarra.es)
- <https://www.navarra.es/eu/tramiteak/on/-/line/Tramitacion-de-la-licencia-de-caza>

## ■ Ehizakien babesak

### Animaliak harrapatzeko debekatuta dauden metodo edo bitarteko orokorrak

- 1.- Lakioak edo amuak eta mota guztietako tranpa eta zepoak, saihsak edo zepo txikiak, sareak edo baleztak, zuloak, nasak eta eper-sareak barne.
- 2.- Arbolatxoa, hagaxkak, lika-adarrak, barraka edo parany dela-koa eta likarekin erabiltzen diren tresna edo metodo guztiak.
- 3.- Babestutako espezieetako animalia biziak edo bezatuak erabiltzea apeu gisa, edo bestelako animaliak, hilik nahiz bizirik, itsuturik edo elbarriturik, eta mota guztietako apeu elektriko edo mekanikoak, grabazioak barne, usategietako ehiza tradizionalean erabiltzen diren uso biziak izan ezik.
- 4.- Animaliak elektrokutatu edo moteltzeko aparatuak.
- 5.- Faroak, ispiluak eta bestelako argi artifizial edo itsugarriak.
- 6.- Sare mota guztiak edo sareen bidez funtzionatzten duten tramankuluak, hala nola sare eraisgarriak, laino-sare edo sare bertikalak eta kanoi-sareak, bai eta sare japoniarrak eta txalupa italiarra ere.
- 7.- Karnata mota guztiak, keak, gasak edo arrastoa uzten duten substantziak, pozoiak, substantzia moteltzaileak, sorgogarriak, erakargarriak edo uxagarriak, bai eta lehegaiak ere.
- 8.- Kargadorean bi kartutxo edo gehiago eduki ditzaketen arma erdiautomatiko baino automatikoak, aire konprimatuko armak, eraztun-perkusioa duten 22 kalibreko errifleak, isilgailua edo gauez tiro egiteko bisorea duten armak, substantzia motel-tzaileak injektatzeko jaurtigaiaik jaurtitzten dituzten armak eta baleztak.
- 9.- Hudoak.
- 10.- Mota guztietako aireontzi eta uretako ontzietatik edo lurreko ibilgailu motordunetatik tiro egitea.
- 11.- Balinak, postak edo lehertzen diren balak, eta jaurtigaia manipulaturik duten mota guztietako balak. Kartutxoetan sartzen diren jaurtigaiaik postatzat hartuko dira 2,5 gramo edo gehiagoko pisua badute.
- 12.- Ahate-kanoiak.
- 13.- Hezeguneetan berunezko perdigoia erabiltzea ehizarako, araudi aplikagarriaren arabera.
- 14.- Debekatua dago eperra apeu bidez botatzeari.
- 15.- Debekatua dago inurri hegaldunak harrapatu, eduki edo merkaturatzea, baita beita gisa erabiltzea ere.

## ■ Ehiza-lurrak

1993ko abuztuaren 1etik aitzina, bakarrik ehiza-barrutietan egin daiteke ehizan eta debekatuta dago lurralde libreetan.

## ■ Ehiza prestatua

Ehiza Antolatzeko onetsitako Planetan ezarritako eremuetan eta uztailaren 6ko 11/2012 Foru Aginduan ezarritakoetan baizik ezin izanen da praktikatu modalitate hau. Foru agindu horren bidez, baimena ematen da faisaiak jare uzteko. Eremu horiek erabiltzeko epea honako hau izanen da: 2022ko abuztuaren 15etik 2023ko otsailaren 26ra arte, ostegun, larunbat eta igandeetan, baita Espainiako, Nafarroako eta herriko jaieguneetan ere. Faisaia bere atalean adierazitakoaren eta 11/2012 Foru Aginduaren arabera arautuko da.

## ■ Txakurrak trebatzeko eremua

Txakurrak trebatzeko eremuak, Ehiza Antolatzeko Planetan baimenduta daudenak, erabiltzen ahalko dira dagokion planean kasu bakoitzerako ezarrita dagoenari jarraikiz.

## ■ Hegazti migratzaileak

Hegan doazen hegazti migratzaileak ehizatze postuetan, Frantziako ehiza elkarteei konpartitzekoetan, Frantzia dauden baldintza berberetan egin behar da ehiza udazkeneko migrazioan, baina bakar-bakarrik Nafarroan baimendutako espezieak harrapatzen ahal dira.

## ■ Usoak eta birigarroak ehizatze baimenduta dauden postuak

- Tiro egiteko postuak, bai bakarrik bai ilaran daudenak, finkoak izanen dira eta mendilerroen tontorretan edo horien magalen goiko aldean egon beharko dute. Debekaturik dago eskopetekin batetik bestera ibiltzea eta armak zorrotatik kanpo izanda ehiza postuetatik at ibiltzea, ehiztaria postutik hurbil erori den usoa edo birigarroa jasotzera joaten den kasuetan izan ezik, kasu horietan arma deskargatua eraman beharko baitu.
- Debekatuta dago usoak uxatzeko edozein bide erabiltzea: seinaleak, tiroak edo beste edozein prozedura, usoen ibilbide arrunta desbideratzeko asmatua. Nolanahi ere, zilegi da legeari jarraituz ezarritako txaboletan, itsutu eta elbarritu gabeko apeuko uso biziak erabiliz usoak harrapatzea, betiere horrek usoari bere bidea utzarazten ez badio eta, horren ondorioz, legez paratutako beste postuetako ehiza galarazten ez badu.
- Usoak edo birigarroak ehizatze postu bat ez bada erabili ondoko ondoko hiru urtetan, hor aritzeko baimena galduko da.
- Pase-sasoian usoak botatzeko, eta birigarroak ehizatze baimena duen postu bakoitzean, gehienez ere hiru ehiztari

egoten ahal dira aldi berean. Ehiztari bakoitzak eskopeta bakarra edukitzen ahalko du postuan.

- Tiro egiteko postuek, bai itxuragatik, bai erabilitako material-engatik, ongi eman behar dute paisaiarekin. Ehiza barrutia kudeatzeko arduradunaren eta aprobetxamenduaren titularraren erantzukizuna da ingurua garbi edukitzea. Landa Garapeneko eta Ingurumeneko Departamentuak, hala badagokio, legezko neurriak hartuko ditu baldintza horiek betetzen ez dituzten postuetan ehiza eragozteko.
- Uso migratzaileak edo birigarroak ehizatzeko baimendutako postu edo txabolak tokiz mugitzeko baimena Landa Garapeneko eta Ingurumeneko Departamentuak eman beharko du Ehiza Antolatzeko Planean.
- Postuak aprobetxatuko dira barrutiko administrazioak ezarritako arauei jarraikiz.
- Postu bakoitza jarri beharko da beste postuen ohiko tirabidetik kanpo. Postu batetik bestera gutxienez ere 50 metroko tarte egonen da.
- Postuen artean interferentziarik bada, zaharrenak izanen du lehentasuna. Lehentasuna duen postuaren eraginkortasuna gutxitzen denean eta postuen titularren artean batera ehizatze-ko adostasunik ez dagoenean esaten da interferentzia dagoela.

## ■ Ehizakiak

Ehizakiak etxera eramane baino lehen lumatzen edo larrutzen badira, burua eta hankak kendu gabe eduki behar dira, identifikatu ahal izateko.

## ■ Ehiza larriaren uxaldiak eta mendi-ehizaldiak

Behar diren seinaleak jarriko dira, bideetan eta sarbideetan. Segurtasun neurri gisa, ehiztariek eta uxatzaileek kanpotik ikusgarritasun handiko txalekoak edo jantziak jantzi beharko dituzte, laranja kolorekoak, ahal bada, eta gutxienez bularraldea eta bizkaraldea estaliko dituztenak. Era berean, gomendatzen da buruko aski nabarmenak erabiltzeko. Eite handiko nekazaritzako laboreetan egiten diren uxaldietan, postuak goratuak egonen dira, lurraren gorabeherak aprobetxatuz, edo egitura berariazkoen gainean. Tiro egiteko postuen diseinuan eta kokaeran, hobe-tsiko dira animalia-ri uxalekuetatik kanpo eta arma-lerroa pasatuta dagoenean tiro egiteko kokalekuak.

**Baimenduta dauden txakurrak:** debekatua dago heltze txakur-  
ren bidezko ehiza. Debekatua dago, uxaldietan edo mendi-ehizaldietan, honako txakur arraza hauek eta haien arteko mestizoak erabiltzea: dobaxakurra, bulldoga, pitbull, rottweilerra, boxerra, doberman eta Kanarietako heltze txakurra. Ehizaldietan, ohiko arrasto txakurrekin batera, gehienez, arraza hauetako edo haien hibridoetako bi txakur erabiltzen ahalko dira: alanoa eta mastina.

Txakurren jabeak eta/edo edukitzaileak izanen du txakurren inguruan indarrean dagoen legeria betetzeko erantzukizuna. Ehiztari bakoitzak su-arma edo arku bakar bat eramaten ahalko du.

Postuetan, uxaldietarako, gutxienez lau ehiztarik bildu behar dute.

## ■ Orkatz eta oreinendako zigiluak

Nahitaezkoa izanen da zigilu zenbakidunak erabiltzea, harrapatutako orein eta orkatzei paratzeko, dagokion Ehiza Antolatzeko Planean ezarritako kupoen arabera.

Landa Garapeneko eta Ingurumeneko Departamentuak emane-  
nen ditu zigiluak, ehiza barrutia kudeatzeko arduradunak eska-  
tuta.

Ehizan ateratzen den bakoitzean, hil nahi diren animaliak adina zigilu eramane behar dira gutxienez. Animalia hil ondoren, ezin da handik mugitu harik eta zigilua paratu eta harrapaketa-  
ren eguna markatu arte. Uxaldietan edo mendi-ehizaldietan soilik, eta ehizaldiaren arduradunari jakinarazi ondoan animalia harra-  
patu dela, hura zigilurik gabe eramane ahalko da hurbilen dagoen mendiko pistaraino, eta bertan jarriko zaio zigilua. Hori ez da aplikatuko bakarkako zelata-ehizan.

Eseki-lekuko tendoiaren eta hankaren artean paratuko da zigi-  
lua; ondoren, itxi eta, erauziz, zein egunetan harrapatu den markatuko da. Adarrak dituzten animalien kasuan, prezintoa errosetaren gain-gainean paratuko da, baldin eta harrapatuta-  
ko animalia aski handia bada (prezinto itxia adarretik ez atera-  
tzeko adinakoa).

## ■ Ehiza xeheko zigilu eta txartelak

Eperraren, erbi iberiarren, erbi europarren, oilagorren eta galeperraren aprobetxamendu egokia egiteko, ehiza barrutietako adjudikaziodunek zigilu edo txartel sistema bat ezarri beharko dute ehiza egun bakoitzean eta ehiza-denboraldi bakoitzean harrapatutakoak kontrolatzeko, ehizatzen diren unetik beretik. Denboraldia amaitutakoan, esleipendunak txartelak jaso eta ehi-  
zatutako aleen kopuru osoa bete beharko du Urteko Planean.

## ■ Ehizako kirol-txapelketak

Ehizako kirol-txapelketak egiteko beharrezkoa izanen da Landa Garapeneko eta Ingurumeneko Departamentuko Basoen eta Ehizaren Zerbitzuaren aldeko txosten bat, aldezturik emana. Foru agindu honetan ezarritako kopuruak gainditzen ahalko dira Landa Garapeneko eta Ingurumeneko Departamentuak aldezturik onetsitako ehizako kirol-txapelketetan. Nafarroako Ehiza Federazioak soilik antolatuta ahalko ditu ehizako kirol txapelketak.

| ESPEZIEA               | Abuztua                                                                                                                                                                                   | Iraila                                                                                      | Urria                                                                       | Azaroa                                           | Abendua                                   | Urtarrila    | Otsaila |
|------------------------|-------------------------------------------------------------------------------------------------------------------------------------------------------------------------------------------|---------------------------------------------------------------------------------------------|-----------------------------------------------------------------------------|--------------------------------------------------|-------------------------------------------|--------------|---------|
| Basurdea               | 15                                                                                                                                                                                        |                                                                                             |                                                                             |                                                  |                                           |              | 26      |
|                        | * Basurdea, zelatan eta gaueko itxaronaldietan, 2022ko abuztuaren 1etik 2023ko uztailaren 1era arte                                                                                       |                                                                                             |                                                                             |                                                  |                                           |              |         |
| Oreina eta Adar zabala |                                                                                                                                                                                           |                                                                                             | 12                                                                          | Adar zabala, uxaldietan eta mendi-ehizaldietan   |                                           |              | 26      |
|                        | Oreina, bakarkako ehizan                                                                                                                                                                  | 11                                                                                          | 2                                                                           | 12                                               | Oreina, uxaldietan eta mendi-ehizaldietan |              |         |
| Orkatza                | 15                                                                                                                                                                                        |                                                                                             |                                                                             | Orkatza, uxaldietan eta mendi-ehizaldietan       |                                           |              | 26      |
|                        | * Orkatza, bakarkako ehizan, 2023ko apirilaren 1etik uztailaren 31ra arte                                                                                                                 |                                                                                             |                                                                             |                                                  |                                           |              |         |
| Azeria                 |                                                                                                                                                                                           | * Azeria, bakarkako ehizan, abuztuaren 15etik 2023ko otsailaren 28ra arte                   |                                                                             |                                                  | 1                                         | Jauzi-ehizan | 29      |
|                        |                                                                                                                                                                                           | 1 Uxaldian eta taldean (eskuan)                                                             |                                                                             |                                                  |                                           |              | 26      |
|                        |                                                                                                                                                                                           | * Ehiza larriaren uxaldia eta mendi-ehizaldia 2023ko abuztuaren 15etik otsailaren 26ra arte |                                                                             |                                                  | 1                                         | Zelata-ehiza | 26      |
| Eperra                 | Eperra: gehieneko egunak ehiza-barruti bakoitzean zehaztu beharrekoak                                                                                                                     |                                                                                             |                                                                             | 1                                                |                                           | 29           |         |
| Erbia                  |                                                                                                                                                                                           | Erbi iberiarra: gehienez 2 ehiza-egun barrutiko                                             |                                                                             | 1                                                | 25                                        |              |         |
| Untxia                 |                                                                                                                                                                                           |                                                                                             |                                                                             | 1                                                |                                           | 29           |         |
| Oilagorra              |                                                                                                                                                                                           |                                                                                             | 12                                                                          |                                                  |                                           |              | 31      |
| Hegazti urtarak        | 15                                                                                                                                                                                        | Basahatea                                                                                   | 15                                                                          |                                                  | 1                                         |              | 29      |
| Usoa                   | Ehiza Antolatzeko Planen arabera                                                                                                                                                          | 21 Jauzi-ehiza: galapeneren eremuan (bereziki eremuan)                                      | 15                                                                          | Baimendutako postu eta txabolatan                |                                           |              | 31      |
|                        |                                                                                                                                                                                           | 21 Jauzi-ehizan, iparraldean                                                                | 15                                                                          | Zuhaiztietatik kanpo                             |                                           |              | 1       |
| Birigarroa             |                                                                                                                                                                                           |                                                                                             |                                                                             | Jauzi-ehizan                                     | 1                                         |              | 29      |
|                        |                                                                                                                                                                                           |                                                                                             |                                                                             | Birigarroendako postu finkoetatik                | 1                                         |              | 12      |
| Galeperra              |                                                                                                                                                                                           |                                                                                             |                                                                             | Uso postuetatik                                  | 1                                         | 31           |         |
|                        | 15                                                                                                                                                                                        | 15                                                                                          | Iparraldeko eremuan                                                         |                                                  |                                           |              |         |
|                        |                                                                                                                                                                                           |                                                                                             | Hegoaldeko eremuan: Ehiza Antolatzeko Planetan baimendutako lekuetan soilik |                                                  |                                           |              |         |
| Usapala                | Salbuespenez, eta aldi baterako izaeraz, zero harrapaketako kupoa ezartzen da 2021-2022 ehiza denboraldirako, Europako Usapalaren Ehizarako Egokitzapen Planaren jarraibideei men eginez. |                                                                                             |                                                                             |                                                  |                                           |              |         |
| Faisaia                |                                                                                                                                                                                           | Ehiza Antolatzeko Planen arabera                                                            | 1                                                                           | Askatzea, urriaren 1etik urtarrilaren 15era arte |                                           | 29           |         |
| Mika eta belabeltza    |                                                                                                                                                                                           | Beste edozein espezie harrapatzeko ezarritako garaietan, baldintza beretan                  |                                                                             |                                                  |                                           |              |         |

### ■ Basurdea

Baimena ematen da basurdea ehizatzeko, 2022ko abuztuaren 15etik 2023ko otsailaren 26ra arte, ostegun, larunbat eta igandeetan, baita Espainiako, Nafarroako eta herriko jaiegunetan ere, su armaz uxaldietan eta mendi-ehizaldietan, eta arkuz uxaldietan, mendi-ehizaldietan, eta bakarka.

2022ko abuztuaren 1etik 2023ko uztailaren 31ra bitarte, basurdea egunero ehizatzen ahalko da su armaz edo arkuz, zelatan eta gaueko itxaronaldietan. Atal honi dagozkion modalitateetan jarduteko eskualdeko Basozaintzari abisatu behar zaio 48 ordu lehenago.

Gaueko itxaronaldiak egiteko eta zelata-ehizan aritzeko, Ehiza Antolatzeko Planean gaueko itxaronaldietarako baimendutako postuak erabiliko dira. Gaueko itxaronaldietan, segurtasun arrazoiak direla eta, baimena ematen da su armari edo arkuari lotutako linternak erabiltzeko, tiroa egin edo gezia bota aurre-aurreko unerako bakarrik.

Eraginkortasun arrazoiak direla-eta, baimenduta dago substantzia usaintsuak erabiltzea, petrolioaren eratorriak ez badira, gehienez 10 cm x 10 cm-ko azalera zabaldua.

Nekazaritzako laboreetan kalteak izateko arriskua dagoen ehiza barrutietan, uxaldian ehizatzen ahalko da, Ehiza Antolatzeko Planean adierazitako uxalekuetatik kanpo.

Orkatzen zelata-ehizan basurdeei tiro egin ahal izanen zaie, ehiza barrutiaren titularrak horretarako baimena emanez gero.

### ■ Adar zabala

Baimena ematen da adar zabala uxaldietan eta mendi-ehizaldietan ehizatzeko, 2022ko urriaren 12tik 2023ko otsailaren 26ra arte, ostegun, larunbat eta igandeetan, baita Espainiako, Nafarroako eta herriko jaiegunetan ere.

## ■ Oreina

Baimena ematen da orein arrak bakarkako ehizan harra-patzeko 2022ko irailaren 11tik urriaren 2ra arte, egunero, Ehiza Antolatzeako kasuan kasuko Planean xedaturikoari jarraikiz. Horretarako, ehiztariak 24 ordu lehenago jakinarazi beharko die eskualdeko basozainei, Guardia Zibileko Natura Babesteko Zerbitzuari eta Foruzaingoko Ingurumena Babesteko Brigadari.

Baimena ematen da 2022ko urriaren 12tik 2023ko otsailaren 26ra arte uxaldietan eta mendi-ehizaldietan ehizatze-ko, ostegun, larunbat eta igandeetan, baita Espainiako, Nafarroako eta herriko jaiegunetan ere, Ehiza Antolatzeako Planak ezarritako kopuruak gainditu gabe betiere. 2023ko martxoaren 15a baino lehen, erabilitako besokoen gordekinak eta erabili gabeak aurkeztu beharko dira Landa Garapeneko eta Ingurumeneko Departamentuko bulegoetan. Erabili gabeko besokoak eta erabilitakoen gordekinak itzultzen ez badira, litekeena da hurrengo denboraldian ehiza larriaren aprobetxamendua egiteko debekua jartzea.

## ■ Orkatza

Ehiza Antolatzeako Planean zehaztutako kupoak beteko dira.

2023ko otsailaren 26ra arte erabilitako besokoen gordekinak, baita eme eta kumeen besoko erabili gabeak ere, 2023ko martxoaren 15a baino lehen aurkeztu beharko dira Landa Garapeneko eta Ingurumeneko Departamentuko bulegoetan. Udaberrian eta udan bakarkako ehizan aritzeko diren arrenak era berean aurkeztuko dira, 2023ko irailaren 1a baino lehen.

Erabili gabeko besokoak eta erabilitakoen gordekinak itzultzen ez badira, litekeena da hurrengo denboraldian ehiza larriaren aprobetxamendua egiteko debekua jartzea.

**Uxaldiak eta mendi-ehizaldiak:** 2022ko abuztuaren 15etik 2023ko otsailaren 26ra arte ehizatzen ahalko da, ostegun, larunbat eta igandeetan, baita Espainiako, Nafarroako eta herriko jaiegunetan ere.

**Bakarkako zelata-ehiza:** modalitate horretan aritzen ahalko da 2022ko abuztuaren 15etik 2023ko otsailaren 26ra bitarte, asteke egun guztietan. 2023ko apirilaren 1etik uztailaren 31ra arte, egunero ehizatzen ahalko da, bakarkako modalitatean, Ehiza Antolatzeako Planeako kuporen barrenean sartu baina denboraldian ehizatu ez ziren orkatz arrak, baita baimenduriko modalitateetan otsailaren 26ra arte ehizatu ez ziren orkatz arrak ere.

Horretarako, ehiztariak 24 ordu lehenago abisatu beharko die kasuan kasuko eskualdeko basozainei, eta erabiliko den besokoak zer zenbaki duen adieraziko die, baita jarduketaren eremua/azalera ere. Ehiza egun horietarako ehizazaina duten ehiza barrutietan, honek emanen die abisua eskualdeko basozainei, eta erabiliko den besokoaren zenbakia eta jarduketaren eremua/azalera jakinaraziko dizkie. Horrez gain, jarduera koordinatuko du eta bakarkako ehizan parte hartzen duten ehiztarien eguneroko kontrola eramane du.

Nekazaritzako laboreetan kalteak izateko arriskua dagoen ehiza barrutietan, uxaldian ehizatzen ahalko da, Ehiza Antolatzeako Planean adierazitako uxalekuetatik kanpo.

## ■ Azeria

**Bakarkako jauzi-ehiza:** galeperra harrapatzen ahal den egun eta toki beretan ehizatzen ahalko da, debekualdi erdian, eta 2022ko azaroaren 1etik 2023ko urtarrilaren 29ra arte, ostegun eta igandeetan, baita Espainiako, Nafarroako eta herriko jaiegunetan ere.

**Uxaldiko eta taldeko modalitateak:** 2022ko irailaren 1etik 2023ko otsailaren 26ra arte ehizatzen ahalko da azeria modalitate horietan, ostegun, larunbat eta igandeetan, baita Espainiako, Nafarroako eta herriko jaiegunetan ere. Soilik azeria ehizatzeke uxaldietan, perdigoiez egin behar-ko zaio tiro, eta ehiztariek ikusgarritasun handiko txaleko edo jantziak jantzi beharko dituzte; laranja kolorekoak, ahal bada, eta gutxienez bularraldea eta bizkaraldea estaliko dituztenak. Ikusgarritasun handiko txanoa erabiltzea gomendatzen da, halaber.

**Zelata-ehiza:** 2022ko azaroaren 1etik 2023ko otsailaren 26ra arte ehizatzen ahalko da, ostegun, larunbat eta igandeetan, baita Espainiako, Nafarroako eta herriko jaiegunetan ere, azeri-zuloen inguruan.

**Orkatzen bakarkako zelata-ehiza:** azeriari balaz tiro egiten ahalko zaio orkatza bakarka ehizatu bitartean, 2022ko abuztuaren 15etik 2023ko otsailaren 26ra arte eta 2023ko apirilaren 1etik uztailaren 31ra arte.

**Ehiza larriaren uxaldiak eta mendi-ehizaldiak:** ehiza larriko modalitate hauetan, balak erabiliz ehizatzen ahalko da azeria, 2022ko abuztuaren 15etik 2023ko otsailaren 26ra arte, ostegun, larunbat eta igandeetan, baita Espainiako, Nafarroako eta herriko jaiegunetan ere.

Oro har, untxiek eragindako kalteen prebentziorako plan baimenduak dituzten ehiza barrutietan, eta ehizaldi orokorretik kanpo edo salbuespenezko metodoekin untxiak ehizatzeke baimena dutenetan, azeria arestian azaldutako modalitateetan ehizatzeke baimena ematen da, baina debekatu egiten dira espezie honen harrapakarien kontrolerako jarduketak, ehiza-barrutiaren titularrak behar bezala argudiatutako kasuetan salbu.

## ■ Eperra

Animalia hau ehizatzen ahalko da 2022ko azaroaren 1etik 2023ko abenduaren 29ra bitarte, igandeetan, eta Espainiako, Nafarroako eta herriko jaiegunetan, 14:00ak arte.

Ehiza-barruti bakoitzerako gehieneko egun-kopurua haiek udaberrian ugaltzaile kopuruari, potentzialtasunari, eper-ehiztariei eta produktibitateari buruz emandako datuen arabera ezarriko da, eta 0 egunekoa izanen da 2022ko udaberrian ugaltzaile kopurua Ehiza Antolatzeke Planean ezarritako potentzialtasunaren % 50 baino txikiagoa den kasuetan.

Ehiztari eta egun bakoitzeko gehieneko 2 eperren kupoa ezartzen da, eta taldeak ez dira inoiz izanen 3 ehiztari baino gehiagokoak.

Larreratzeko baimena ematen da 2022ko urriko larunbat eta igandeetan, gehienez ere 4 lumarako txakur edo arrasto-txakur erabilita pertsona bakoitzeko.

## ■ Erbia

Animalia hau ehizatzen ahalko da 2022ko azaroaren 1etik 2022ko abenduaren 25era bitarte, igandeetan, eta Espainiako, Nafarroako eta herriko jaigunetan, 14:00ak arte.

### Erbi iberiarra

Barruti bakoitzean zenbat egunez ehizatzen ahal den erabakitzeko, aintzat hartuko dira Ehiza Antolatzeako Planean ezarritakoa, laginketak eta barruti bakoitzean ezarritako egutegia. Nolanahi ere, gehienez bi egunez ehizatzen ahalko da eskopetaz barruti bakoitzean.

Bakarkako jauzi-ehiza: eskopetarekin, ehiztari eta egun bakoitzeko erbi bateko gehieneko kupoa ezartzen da.

Uxaldia: bi erbiko kupoa ezartzen da talde eta egun bakoitzeko. Erbia botatzeko taldeak ez dira inoiz hiru ehiztari baino gehiagokoak izanen.

Xarlangoz (erbi-txakurrez) egindako erbi ehiza (eskopetarik eta makilarik gabe, gehienez ere 2 xarlango askerekin pertsonako edo ehiza taldeko, beste 2 xarlango loturekin eta arrastoko usna bi zakurrekin), epe horren barrunean, larunbatetan ere egiten ahal da, arestian adierazitako egunetan ez ezik. Kupoa 2 erbikoa izanen da pertsonako edo ehiza taldeko, eta taldea gehienez ere 6 pertsonen osatua.

Larreratzeko baimena ematen da 2022ko urriko larunbat eta igandeetan, gehienez ere 4 lumarako txakur edo arrasto-txakur erabilita pertsona bakoitzeko.

### Erbi europarra

Barruti bakoitzean zenbat egunez ehizatzen ahal den erabakitzeko, aintzat hartuko dira Ehiza Antolatzeako Planean ezarritakoa, laginketak eta barruti bakoitzean ezarritako egutegia.

Arrasto txakurrekin ehizatzen ahalko da bakar-bakarrak. Talde batean gehienez ere 6 ehiztari egoten ahalko dira, eta kupoa erbi 1ekoa izanen da ehiztari edo talde bakoitzeko eta egun bakoitzeko.

Arrasto txakurrekin larreratzen ahalko da 2022ko iraileko, urriko, azaroko eta abenduak eta 2023ko urtarileko ostegun, larunbat eta igandeetan.

## ■ Untxia

2022ko azaroaren 1etik 2023ko urtarrilaren 29ra arte, ostegun eta igandeetan, baita Espainiako, Nafarroako eta herriko jaigunetan ere, Ehiza Antolatzeako Planari eta barruti bakoitzerako ezarri den egutegiari jarraikiz.

Ehiza Antolatzeako Planean horretarako ezarritako eremuetan 3 untxi larriko IKA (kilometroko ugaritasun indizea) duten barrutietan, eremu horietan ehizatzen ahalko da, 2022ko irailaren 25erarte, larunbat eta igandeetan, baita Espainiako, Nafarroako eta herriko jaigunetan ere. Horretarako, aldezturik Landa Garapeneko eta Ingurumeneko Departamentuan aurkeztu beharko dira laginketa bat, ehizazain batek egina eta sinatua, ehiza egin behar den egunak, eta ehizazainaren kontratazioa, udako ehiza egin behar den egunetarako dena. Ehizazainaren laguntza ezinbestekoa izanen da ehizaldietan.

## ■ Oilagorra

Baimena ematen da oilagorra ehizatzeke 2022ko urriaren 12tik 2023ko urtarrilaren 31ra arte, egunero, egunsentian hasi eta ilundu baino ordubete lehenagora arte, basoan, ohiko txintzarri funtzionala daramaten txakurrak erabiliz, non dauden jakiteko eta beste erabiltzaile batzuekin gerta daitezkeen istripuak saihesteko. Armarik gabe larreratzeko baimena ematen da oilagorraren ehiza barrutietako basoetan, otsaileko egun guztietan, betiere lumarako lau txakurrekin gehienez.

Ehiztari batek gehienez 3 ale harrapatzen ahalko ditu egunero. Ehiza barrutietako esleipen-hartzaileek zigilu edo txartel sistema bat ezarri beharko dute ehiza egun bakoitzean eta denboraldi bakoitzean harrapatutakoak kontrolatzeko. Debekatua dago oilagorra pasako postuetan eta uharketan botatzea. Ezohiko hotz boladetan, Landa Garapeneko eta Ingurumeneko Departamentuak deklaritzen ahalko du horiek zori egunak direla, eta horrela ehiza debekatu. Hedabideen bidez jakinarazi beharko du. 2022-2023 ehiza-denboraldian, debekaturik egonen da oilagorra merkaturatzea.

Segurtasun neurri gisa, ehiztariek ikusgarritasun handiko txalekoak edo jantziak jantzi beharko dituzte, laranja kolorekoak, ahal bada, eta gutxienez bularraldea eta bizkaraldea estaliko dituztenak. Ikusgarritasun handiko txanoa erabiltzea gomendatzen da, halaber.

## ■ Hegazti urtarrak

Baimena ematen da **antzara hankagorritzta, zertzeta arrunta, basahatea, kopetazuri arrunta, hegabera eta istingor arrunta** ehizatzeko 2022ko azaroaren 1etik 2023ko urtarrilaren 29ra arte, ostegun, larunbat eta igandeetan, baita Espainiako, Nafarroako eta herriko jaiegunetan ere.

Basahatea ere ehizatzen ahalko da, 2022ko abuztuaren 15etik irailaren 15era arte, ostegun, larunbat eta igandeetan, baita Espainiako, Nafarroako eta herriko jaiegunetan ere.

Hegoaldean, aipatu epean, Ehiza Antolatzeko Planek baimendutako eremuetan bakarrik ehizatzen ahalko da.

## ■ Faisaia

Ehizatzen ahalko da 2022ko urriaren 1etik 2023ko urtarrilaren 29ra bitarte, ostegun, larunbat eta igandeetan, baita Espainiako, Nafarroako eta herriko jaiegunetan ere, 11/2012 Foru Aginduaren eta Ehiza Antolatzeko Planean ezarritakoari jarraikiz. Askatzeak foru agindu horren arabera eginen dira, 2022ko urriaren 1etik 2023ko urtarrilaren 15era bitartean.

## ■ Usoa

**Pagausoa eta txoloma:** ehizatzen ahalko dira 2022ko urriaren 1etik abenduaren 31ra arte, baimendutako postu eta txaboletan, asteke egun guztietan.

**Pagausoa:** Ehizatzeko baimena ematen da, 2022ko azaroaren 1etik 2023ko urtarrilaren 29ra arte, ostegun, larunbat eta igandeetan, baita Espainiako, Nafarroako eta herriko jaiegunetan ere. Gainera, hegoaldeko barrutietako galeper-guneetan eta iparraldeko zuhaitz eremuetatik kanpo, jauzi-ehiza egiten ahalko da 2022ko abuztuaren 21etik irailaren 15era bitartean, ostegunetan, larunbatetan, igandeetan eta estatuko, foruko edo tokiko jaiegunetan.

Hegoaldeko barrutietan, udako egunetan ere ehizatzen ahalko da usoen postuetatik.

## ■ Birigarroa

**Birigarro arrunta, garraztarroa, durdula eta birigarro txikia.**

Baimena ematen da jauzi-ehiza egiteko 2022ko azaroaren 1etik 2023ko urtarrilaren 29ra arte, ostegun, larunbat eta igandeetan, baita Espainiako, Nafarroako eta herriko jaiegunetan ere.

2022ko azaroaren 1etik 2023ko otsailaren 12ra arte, birigarroa ehizatzeko postuetan ere ehizatzen ahalko da, asteke egun guztietan.

Uso migratzaileen postu baimenduetatik ere botatzen ahalko dira 2022ko urriaren 1etik abenduaren 31ra arte, usotarako baldintza beretan.

## ■ Galeperra

Nafarroako iparraldean ehizatzen ahalko da 2022ko abuztuaren 15etik irailaren 15era arte, ostegun, larunbat, igande eta jaiegunetan, ehiza barruti guztietan, baina zuhaitzak dauden eremuetatik kanpo bakarrik.

Hegoaldean, 2022ko abuztuaren 15etik irailaren 15era arte ehizatzen ahalko da, ostegun, larunbat, igande eta jaiegunetan, Ehiza Antolatzeko Planetan ezarritako eremuen barnean.

Bestetik, eper gorriarentzako barruti bakoitzean baimendutako egun berberetan harrapatzen ahalko da galeperra.

Iparralderako zein hegoalderako gehieneko kupo bat ezartzen da: ehiztari bakoitzak, eguneko, 10 ale harrapatzen ahal ditu.

## ■ Usapala

Salbuespenez, eta aldi baterako izaeraz, **zero** harrapaketa-kupoa ezartzen da 2022-2023 ehiza denboraldirako, Europako Usapalaren Ehizarako Egokitzapen Planaren jarraibideei men eginez.

## ■ Mika eta belabeltza

Beste edozein espezieetako ehiza-garaietan ere ehizatzen ahalko dira.



**Basozainak**

| Barrutia                                          | Telefonoa   | Helb.elek.                 |
|---------------------------------------------------|-------------|----------------------------|
| D1 Bidasoa                                        | 608 245 812 | gmabidasoa@navarra.es      |
| D2 Aezkoa - Kintoa                                | 686 502 927 | gmaaezkoa@navarra.es       |
| D3 Erronkari - Zaraitzu                           | 699 307 698 | gmaroncal@navarra.es       |
| D4 Sakana Mendialdea                              | 679 996 810 | gmasakana@navarra.es       |
| D6 Lizarra 1                                      | 686 504 345 | gmaestellanorte@navarra.es |
| D7 Iruñea                                         | 608 062 649 | gmapamplona@navarra.es     |
| D8 Agoitz                                         | 608 062 669 | gmaaoiz@navarra.es         |
| D9 Lizarra 2                                      | 608 062 639 | gmaestellasur@navarra.es   |
| D10 Tafalla - Zangoza                             | 609 907 084 | gmatafalla@navarra.es      |
| D11 Tuteria                                       | 609 904 957 | gmatudela@navarra.es       |
| Foruzaingoa - Ingurumena: pfmambiente@navarra.es  |             |                            |
| SEPRONA: na-cmd-pamplona-seprona@guardiacivil.org |             |                            |